

## SCRIPT OF MORNING GOJRI NEWS BULLETIN 13MAR 2025 1015HRS

مارننگ گوجری نیوز بولٹن 13 مارچ 2025

\*\*\*\*\*

یوہ آکاشوانی جموں ہے جاوید اقبال تیں خبر سُنو۔

\*\*\*\*\*

### BAC JK

قانون ساز اسمبلی غا سپیکر نے ایوان مانہ دسیو کاروبار لی وقت مختص کرن غا سلسلہ مانہ بی اے سی یعنی بزنس ایڈوزری کمیٹی تشکیل دتی ہے۔ آکاشوانی جموں گا نمائندہ نے رپوٹ توری ہے جے اس کمیٹی مانہ حزب اختلاف گروپاں سمیت تمام سیاسی جماعتاں گا تجربہ کار تے قانون ساز شامل ہیں اس کمیٹی مانہ حزب اقتدار آلا اتحاد غا ۵ ممبر تے حزب اختلاف غا ۳ ممبر شامل ہیں حزب اقتدار آلا اتحاد غا ممبر علی محمد ساگر نیشنل کانفرنس مبارک گل نیشنل کانفرنس غلام احمد میر کانگریس محمد یوسف تاریگامی سی پی آئی ایم تے چودھری محمد اکرم گا نام شامل ہیں۔ حزب اختلاف غا جن ممبراں نانہ اس کمیٹی مانہ شامل کیو گیو ہے اُن مانہ سنیل شرما بھارتیہ جنتا پارٹی سجاد غنی لون پی سی تے میر محمد نیاز پی ڈی پی جماعت تیں شامل ہیں۔ جہیزا ایوان مانہ بحث واسطے وقت غو انتظام تے ایوان غی معمولات گی نگرانی غا زمہ دار ہیں۔

\*\*\*\*\*

### DIV COM SANJY2025

ڈویزنل کمشنر جموں رمیش کمار نے گزشتہ روز اک اعلیٰ سطحی میٹنگ غی صدارت کی جس مانہ شری امرناتھ جی یاتراہ ۲ ہزار ۵۲ غا انتظامات ور تبادلہ خیال کیو گیو جن جگہاں تیں سالانہ امرناتھ جی یاتراہ غو گزر وے تفصیلی صاف ستھرائی تے سہولیات غو جائیزو لیو اُنہاں نے متعلقہ ضلع انتظامیہ نانہ ہدایت کی جے ویں اس سلسلہ مانہ مرکزماں مانہ بنیادی سہولیات تے بیت لخوا جسی سہولیات نانہ یقینی بناویں۔ اس موقعہ ور کمشنر موصوف نانہ گزشتہ برا مانہ اس سلسلہ مانہ چایا گیا اقدامات و انتظامات بارے تفصیلی جانکاری پیش کی گئی تے اس ضمن مانہ ۲ ہزار ۵۲ غا احسان انعقاد مانہ شامل سہولیات بارے وی آغا کیو گیو۔ کمشنر موصوف نے ڈپٹی کمشنراں نانہ ہدایت کیں جے ویں امرناتھ جی یا ترا ۲ ہزار ۵۲ غا سلسلہ مانہ سڑکاں غی مرمت تے سہولیات مانہ باہدو کرن تے اس سلسلہ مانہ تعمیراتی کم کاج غی بحالی واسطے کم کریں اس موقعہ ور کمشنر موصوف نے ڈپٹی کمشنراں نانہ ہولی غا تہوار واسطے بھر پور انتظامات کرن غی وی ہدایت کی۔

\*\*\*\*\*

### PMAY G

جموں کشمیر سرکار نے کل کہیو جے گزشتہ ۲ براں مانہ جموں کشمیر مانہ پردھان منتری گرامین آواس یوجنا غے تحت ۱ اشاریہ ۵۳ لکھ تیں متا مکان تعمیر کیا گیا ہیں۔ آکاشوانی جموں غا نمائندہ نے رپوٹ توری ہے ایم ایل اے ارون گپتا غا اک سوال گا جواب مانہ دیہی ترقیات تے پنچائتی راج غا وزیر انچارج نے کہیو جے پردھان منتری گرامین آواس یوجنا غے تحت مرکز غا زیر انتظام علاقہ مانہ گزشتہ ۲ براں مانہ ۱ لکھ ۵۳ ہزار ۹ سو ۵۲ مکان تعمیر کیا گیا ہیں اُنہاں نے کہیو جے ذاتی و اقتصادی ذات غی مردم شماری ۲ ہزار ۱۱ اعدادو شمار مکمل ہو چکو ہے اس واسطے مالی سال ۲ ہزار ۵۲-۴۲ لی کوئی ہدف نی ہے۔

\*\*\*\*\*

## PMAY POONCH

ڈپٹی کمشنر پونچھ وکاس گنڈل نے ضلع مانہہ پردھان منتری اواس یوجنا بلدیاتی سکیم غے تحت وارڈ نمبر ۱ مانہہ ۲ کھراں غا تعمیراتی کم گو افتتاح کیو اُنہاں نے گریہ پرویش تقریب مانہہ وی شرکت کی۔ ڈپٹی کمشنر نے حکومتی تعاون غا موثر طریقہ نانہہ استعمال کرن ور مکان مالکاں گی سراہنہ کی تے زمینی سطح ور سکیم گی موثر عمل آوری ور اطمنان ظاہر کیو۔ اُنہاں نے اس موقعہ ور زور دیتا واں کہیو جے اس سلسلہ مانہہ زیر التوا مکاناں غی تکمیل مانہہ توجہ بدھائی جائے تے ولے سر کم کاج نانہہ مکمل کیو جائے اس توں بعد ڈپٹی کمشنر نے میونسپل کونسل پونچھ تے میونسپل کمیٹی سرنکوٹ گا عہداراں غی اک میٹنگ غی سدارت کی جت اُنہاں نے پی ایم اے وائی بلدیاتی سکیم غی مجموعی پیش رفت گو جائیزو لیو۔

\*\*\*\*\*

## JK MHA

جموں کشمیر حکومت نے گزشتہ روز کہیو کہ مرکزی امداد غا کُجھ اجزاء مانہہ ہون آلی تبدیلیاں غا مسلاں نانہہ مناسب وقت ور وزارت داخلہ سنگ چائے غی آکاشوانی جموں گا نمائندہ غی رپوٹ غے مطابق ہنڈوارا غا رُکن اسمبلی سجاد گنی لون غ ایک عام سوال غا جواب مانہہ وزیر خزانہ عمر عبداللہ نے کہی وکہ حکومت جہلم توی سیلان تیں بحالی غو منصوبہ تے پن بجلی غا منصوبہ واسطے جزوی طور ور مختص فنڈ مانہہ تبدیلی غا مسئلہ نانہہ وزارت داخلہ غے نال مناسب وقت ور چائے غی وزیر نے وضاحت کیو کہ اگر چہ ان منصوباں گا اجزاء واسطے مختص فنڈ مانہہ تبدیلی آئی ہے لیکن مجموعی مرکزی امداد مانہہ کائے کمی نہیں ہوئی وزیر نے مزید دسیو کہ مطالبو نمبر ۸۵ غے تحت مرکزی امداد ۲ ہزار ۴۲۔۳۲ مانہہ نظر ثانی شدہ تخمیناں گے مطابق ۱۴ ہزار ۷ سو ۱۵ کروڑ روپیہ تھی۔ تے ۲ ہزار ۵۲۔۴۲ مانہہ نظر ثانی شدہ تخمیناں پہلاں ضمنی بجٹ مانہہ ۱۴ ہزار کروڑ روپیہ تے ۲ ہزار ۶۲۔۵۲ غا بجٹ تخمیناں مانہہ وی ۱۴ ہزار کروڑ رکھی گئی ہے۔

\*\*\*\*\*

## YELLOW ALERT JK

جموں کشمیر مانہہ اج واسطے محکمہ موسمیات نے یلو الرٹ جاری کیو ہے جس غے مختلف علاقاں مانہہ ہلکی تے درمیانہ درجہ غی بارش تے پہاڑی علاقاں مانہہ برف باری ہون غا امکان ہیں۔ آکاشوانی جموں غ انامہ نگار غے مطابق ۰۱ مارچ تیں رُک ریک غے بارش پے رہی ہے تے یوہ سلسلو ۶۱ مارچ توڑی جاری رین غی توقع ہے محکمہ موسمیات غو کہنو ہے کہ ۵۱ مارچ توڑی کئی مقامات ور ہلکی تے درمیانہ درجہ غی بارش تے برف باری ہو سکے تے ۶۱ مارچ نانہہ کُجھ مقامات ور برف باری ہون گا امکان ہیں ۷۱ تیں ۱۲ مارچ توڑی موسم عام طور ور خشک رہ غو مسافراں تے سیاحاں نانہہ ہدایت کی گئی ہے کہ ٹریفک ایڈوازی ور عمل کریں۔

\*\*\*\*\*